

Ero kareta meronenympo: Willem de Vink

JESUS MESIAS

MORO IROMPORO TYWAIPOREN AURANANO




ÒTO TAURÒPO OTYKON WAIRY...



Awono: Jesus romòno wyino tawonje man. Amy jako pàporo suma kynawontan romòno wyino. Moro jako Tamusi moro iromporo auranano ytan suma pokoine (kreta jary 53-57).

Epekimano: Tamusi maro orupano, Íwa epanamano (kreta jary 18, 19, 42).



Eratonomapotopompo kaparàmempo onory ewàmary: mòkaron Simonsu moro Egypte wyino Tamusi `wa taròsan ewàmaton amy kaparàmempo onory ke. Mòkaron Jesus wekenanamon te romòno wyino Tamusi `wa Jesus awonkàpo ewàmaton moro kaparàmempo onory jako mòkaron Simonsu `wa (kreta jary 38-54).

Ìmatypyn amano: Jesus maro amano, Tamusi nisanory wara. Moro romòno kòpo man.

Jesus nemepary: Jesus wekenanen mòko tamepa Jesus `wa man inoro.



Jesus weramary: Jesus weramary me ro nono tùpnaka, pàporo oty kynèpetakàmatan. Asery me ero nono, moro kapu enapa kynaitan (kreta jary 57).

Jesus: moro tauròpo me man: Tamusi ajepanòsan.



Koineno arepa: Perere maro, winu maro mòkaron Jesus wekenanamon irompìpo, awomìpo rapa ewàmaton (kreta jary 41).

Mesias: Jopoto mòko tykapa man inoro. Moro Simonsu auran tano Mesias moro Griek auran ta Christus man (kreta jary 52, 55).



Satan: mòko poto `su Tamusi ÿtùkanen onepyn yjoròkan mòko suma jenonòsan inoro.

Suma kuranontory Tamusi `wa: mòkaron tynisanory waranokon suma ytan Tamusi kurano me kapu ta (kreta jary 10-11).

Tamusi àkary: tàkary emamyry `se Tamusi man mòkaron Jesus wekenanamon ta (kreta jary 58).

Tamusi amyikary: Tamusi mamyikaje tykàpo wara aitoto man me (kreta jary 58).

Tamusi auran meròpo: Moro Bijbel ro moro man. Ita ro moro suma poko Tamusi wonumenkary, iwairy enapa tymero man.

Tamusi nuntymary: wararo Tamusi `wa suma wepanamatopo (kreta jary 58).

Tamusi ymuru: Jesus ekarìtopo moro man. Tamusi ymuru me Tamusi wyino tywòse man nono tùponaka.

Tamusu apojon: onepyn Tamusi pyitory (kreta jary 5).

Wakapu: suma wotopompo wewe. Wakapu poko ro typoka Jesus tyromòse man. Wakapu meròpo iwekenanamon ekarìsan (kreta jary 25, 50).

Yjàwan me aino kary Tamusi `wa tyturùpo wyino: yjàwan me suma weìpo kanon Tamusi tyturùpo wyino, tyjàwany jètumàpoto suma `wa, tamamyry ùmary `se iweìpoto enapa. Moro wara ro Tamusi kynaijan Jesus `wa kyjàwanykon epemàpo ke (kreta jary 58).

Yjàwan me aino: Tamusi wykàpo rato kynikapyrykon otykon. Morokon ro Tamusi wyino kamimatón (kreta jary 4).



NOKY ME JESUS MESIAS NAN?


2000 siriko uwaporò Jesus tywaije man moro Israel po. Jesus Christus me, Jesus Mesias me pai kysejatojaton. Moro tauròpo me man Jesus wairy jopoto me. Amy typò rotèn jopoto kapyn te mòko man. Tamusi ymuru me, suma ymuru me enapa kysejatojaton. Moro tauròpo me man Tamusi wyinono me iwairy, suma wyinono me iwairy enapa. Moro Jesus emamýpo ro tymero man moro Bijbel ta. Wararo moro emamyry ekary ekarìsatón iwekenanamon.

JESUS JAKO

Moro sirikokon wytory kysùkujaton Jesus womàtopompo siriko wyino. Jesus jako mòkaron suma wytotopompo man typupurukon poko, parito tùpo pai, kameri tùpo pai, kaware tùpo pai. Nederland po, België po enapa mòkaron Batavier, mòkaron Fries, mòkaron Kaninefaat tamanje manton. Kreta merory, kreta erupary tupi ìwaine man. Amykon `wa terapa kreta merory ukùtopompo tywaije man, eneke tyre, mòkaron Israel ponokon Simonsu `waine. Mòkaron ro kreta pokonokon me tajato manton amykon `waine.

Moro Bijbel tatynen kreta ta moro Tamusi auran man. Pàporo oty kànenympo mòko man. Pàporo suma maro irùpa tywairy `se man. Iro ro iporo takarìse mòko Jesus `wa man.





MORO JESUS JAKONO ISRAEL

Poto `su aitopo: Jerusalem.

Israel wotàsakàsan: Galilea, Samaria, Judea.

Israel jopotonory: 28.000 km². (Suriname 163.820 km²).

Israel kapuru empatary: iromy jako asin pe man, ìsano jako saràme man.


Israel untymary: moro siriko 63 wyinompo ro moro Jesus womary uwaporò mòkaron Rome wyinonokon Israel untymaton.

Israel jopotory: mòko Rome wyinono Pontius Pilatus Israel jopotory me man. Mòko Pilatus jopotory me Tiberius man. Mòko ro pàporo moro Rome yinonory jopotory me man.

Israel tamusiry: Jerusalem po mòkaron Simonsu `waine moro Tamusi auty tamy man. Moro po ro mòkaron Tamusi pyitorykon tamamine manton. Mòkaron Tamusi ukùnamon, eneko tyre mòkaron Farise me aitonon, suma emepaton Tamusi auran pokò.

Israel ponokon auranano: Simonsu auran, Griek auran, mòkaron Rome wyinonokon auran.







Mòko pèja po Tamusi auran ekariné ejatojaton
Johanes, mòko suma etykanen me.


Awu, ypoko itòpa man.
Mòko noky me Tamusi
wairy enepotan inoro
emary te sikàsa. Mòko ro
Tamusi Àkary ke, Tamusi
wàtory ke enapa
ajetykatàton. Moro ro
amy me terapa ajyjan.



Irompo te rapa...



Irompo amy auranano kapu
wyino kynotapojan...




Morokon siriko wotùmemyry ùkuru àmory ta mòko suma etykanen Johanes `wa Israel po mòko kapanònamon man wopyry man takarise man. Moro jako moro Israel amy ùkupyn aitopo me tywaije man moro poto `su aitopo Rome nuntymary ta.



Mòkaron Israel ponokon Simonsu rùme kynotapojaton tyjenonònamon `wa. Mòkaron Simonsu mòko Mesias enery se manton. Mòko ro, mòko imponakanamon mòko man. Moro ro morokon penato Simonsu karetary ta tymero man. Mose imponakanamon iromporo auranano ypotan suma `waine.

Moro Jordan pèjary po mòko suma etykanen Johanes tainary ke Jesus ekarisan.



Oko karìna kurita, koko enapa moro iponomyn po tywaije man. Moro jako amy pairo oty anenapypa man. Tamusi `wa tauranary ta, tywonemary ta enapa irupyn me `ne kàtu rapa moro tamamin man enejan.



Irùpa iwòkàtòme Jesus `wa Tamusi wonumenkatopo ekarityry man irupyn me ero nono tupo. Tamusi irompo ero nono tûponokon ympokary se man moro romòno wyino.

Jesus mòko yjawan tamuru maro kynòwòmatan, mòko onepyewàrumy jopotory maro. Mose Tamusi yòtukanen ro ero nono untymanon romòno ke, kotàmano ke enapa.



Mòko yjàwan te Jesus wonumenkary ùmary `se man moro Tamusi nyròpo amaminano wyino.

Tamusi ymuru me ajàta ero topu ikàko perere me!

Uwa! Morokon kareta ta irompo tymero man: "Perere pokò roten kapyn suma kynemantan, pàporo Tamusi yntary wyino epàkatoto auranano pokò te".

Tamusi ymuru me ajàta iro ke onepoko irompo. Ero auto rety wyino atàporonko! Imeròpa tywaije nan mòkaron Tamusi apojonkon `wa ajaipyiry man?

Tymero te enapa man: "Mòko Ajopotory Tamusi anùkùpa maitake."


Eneko! Pàporo poròtò òwa sytake ero nono tûpo awokunamàpoto yjety awonkatòme.

Morompo me ro mòko yjàwan tamuru Jesus nontanon àsìko. Tamusi apojonkon kynòsaton Jesus ety awonka.


Omimako, yjàwan tamuru!
Tymero irompo man:
"Ajopotory Tamusi pòponaka roten mokunamatake. Mòko ety roten mawonkatake."


Jesus imero Tamusi Àkary ke tònose man tytory jako rapa Galilea `wa. Moropo ro, moro pyimano emantonon aitopo Libanon wypy pato Israel po tywetuwaròma man. Itory ta amykon kyniwekenaton. Ukutyry `se manton ipororo Mesias me iwairy, mòkaron Tamusi auran ukùponamonympo nekarityòpompo me.

Kana po, amy aitopo morokon
Galilea wypyrykon tupo man iro po
amy aimyno ewàmary man.



Jesus ro rypo moro po man
tysano maro, amykon
tàsakarykon maro enapa.






Kafarnaum amy irùpyn woto pokonokon waitopo moro man
moro Galilea tunary po. Ero po ro Jesus `wa kuranto
tauranary tåmo man moro Tamusi nuntymary poko.



Ero po ro koromo `ne
tynemeparykon me amykon
suma tyje ìwa man.



Petrus, kàmakon moro
ijansikry taka. Moro po
morokon asipiry emako.




Nàna emepanen,
tamaminary emankai
nàna. Amy paipo woto
anapoipa te nèi nàna.






Irùpa man, amoro
awykary jako...



Na uwa! Oty
ko moro nan?



Jesus kyntopòsan tynemeparykon maro moro Galilea ta. Moro Tamusi nuntymary man ekarisan. Ukutypa `ne roten anyky etyñòkanon. Mòkaron akywano momanon. Pàporo suma kynonumenkaton. Kyniwekenaton, wararo wyino, Jerusalem wyino pairo. Ekary etary apokupeine man.





Amy kurita ta moro Jesus waitopo auto `wa kynotunsìkojaton mòkaron suma moro Kafarnaum po.

Iratonomarykon kysupijaton.

Auto rèta roten iro ke.
Pàporo iwònìytopompo kùpo ro!

Oty ko moro po nòkàsan?

Ipoko kyaiton!
Poto me Tamusi amyikaton.

Na uwa! Ikàpo metaton?

Tamusi ety jamikanon!



Tamusi roten suma yjàwanympo kanon.

Oty ko tupi me nan amy iwajakutàpo `wa taurotòme:
"Ojawanykonympo nòkai.",
"Ajawonko!" te pai?

Mòko suma ympokanen ekosa poròto man, suma yjàwanympo katòme. Wykaje enapa te:
Ajawonko! Moro awònìytopo anunko! Irompo ita!











Pàporo `ne kapyn te tawàpore manton Jesus auranary poko. Mòkaron Tamusi auran pokonokon jopoto tuwaro manton moro Tamusi wykàpompo wara Jesus wairy poko. Moro otarèmatopo kurita emaminàpa suma wairy man Israel po.











Moro moky `ne terapa iwairykon me ro Jesus kynomimanon moro wyino. Irompo Galilea tunary tûponaka kynysan, kurijara ta.



















Jesus mòkaron suma epinopyry ta tauranary kòmankanon te.



Pyimano atànanopýsan upanon Jesus
moro arepa apyimankapory ta.



Poto `su jopotó
me kysyen!




Eneko te!
Ainapatoro
ikùponaka oko
kurukuru noro
akòinympo man!




Mòkaron suma emòsan rapa nàna auto `wa.
Amyjaron iro ke kurijara ta ìtantoko
koposenaka. Awu ero wypy ràna wainopoja
Tamusí `wa yjauranatòme.





Amykon Jesus yry `se manton jopoto me. Mòkaron Simonsu jopotomanamon Rome wyinonokon momapory `se manton Íwa. Aseme noro te mòkaron Jesus jenonònamon pyime kynaijaton. Yjàwan me kynepojaton. Mòkaron suma ekonanòsaton ipoko. Utàkary `se manton.



Aseme noro pyime mòkaron
Jesus jenonònamon
kynaijaton. Iro ke ro moro
Galilea wyino kynìsan, amy
wyino te rapa emamina,
moro Israel po. Amy suma
apyimy ro imaro kynìsan.

GALILEA
JERUSALEM
ISRAEL

Aire 'kopore kynìsan
Jerusalem `wa.



Noky me
mòkaron
suma
yyjaton?

Amy Tamusi
auran ukùnen
me.

Itory jako...


Amyjaron
rapa?

Noky me
kakarisàton
amyjaron?





Mòko suma ympokanen amoro mana,
mòko poto `su Tamusi ymuru!

Amy pairo `wa te kysekariton. Mòko Mesias
wytory te man Jerusalem `wa atàkaryka,
irompo romòse enapa. Ijoruwanory kurita te
kynawontan rapa irompìsan wyino.



Israel po morokon aitòkon wyino kuranto suma wotòkonympo ìwaine man ijàwanykonympo epety me, wakapu poko ipokarykon ta, anari me imero, Rome wyinonokon emery me.



Moro jako Israel po kòkope pankon waitòkon tywaije man. Mòkaron ikòkòpènon suma maro kapyn mòkaron kòkope pankon wairy man.




Mòja imero ikòtarykon man
tytorykon ta, mòkaron suma
anòkory pona týwaine.

Kòkope!
Kòkope!



Jesus! Yjemepanen!
Nàna kotanory eneko!





Mòkaron Jerusalem
ponokon Simonsu
jopotorykon typityorkon
emòsaton Jesus `wa,
ekapyn ta enetòme
tywaine. Moro aurany
atòkeine man imero.

Ekapònnon suma maro iwaitopompo man.
Eneko tyre, tyjàmy ekaramanamon
woryijan, Rome wyinonokon ainaka pyrata
amòìnamon suma maro man.

Mòko suma
ympokanen tywòse
man mòkaron
utapìsan upi,
epanòseine enapa.





Jesus jètun pankon epinòsan
moro otarèmatopo kurita...

Irompo apokupe man mòkaron
pitanikon enery iwa...

Irùpa rapa
aiko!

Oro mòkaron pitanikon iro ke
ywà nòsen! Mòkaron iwaraine
aitonon `wa irompo moro
Tamusí nuntymary man!



Irompo Jesus kòmaton Betania `wa, tyse waty Jerusalem wyino. Lasarus jètun pe man. Mòkaron enaunan Marta, Maria `wa irùpyn po Jesus ukùtopompo man. Tytuntàpo me ro te Jesus okupaine kurita terapa Lazarus unemypo etanon.



Ero po aweòpompoto, mòko ypiry irompypa nairyine!

Mòko apiry kynawontan, Martha.




Moro ro sukusa. Nuro ro rapa kynaitan moro awono jako, moro iromporo kurita ta.


Awu moro awono awu wa, moro amano enapa. Mòko yjamikanen nuro kynaitan. Moro mamyikanon, Martha?

Àa, Jopoto! Samyikaje mòko Tamusi wykatopompo ôtoto man ero nono tûponaka suma ympokanen me awairy, mòko Tamusi ymuru me.

Oje ko myton apiryjan?

Eneko, se, Jopoto!





Aseme noro mòkaron Jerusalem ponokon potonon jopoto kynesikaton Jesus poko, mòkaron iwyinonokon poko enapa.




Mòko wokyry pyime onumenkatòkon otykon kàsan!

Mòja ro moro pankon otykon wòkapyry anàkotòpa kàtaine, mòkaron Rome wyinonokon kynekonatàton!

Moro Tamusi auty yjàwankatàton, mòkaron kàsakarykon wotàton enapa!





Onumenkatoko! Òwin amy rompyry irùpa man pàporo kÿwanokon me, pàporo kyrompyrykon kòpo!




Iro ke kòwu mòko Jesus wory man!

Morompo me ro mòkaron Simonsu jopotorykon Jesus yry `se manton mòkaron Rome wyinonokon ainaka. Mòko Rome wyinonokon jopotory `wa ro roten romòno taka suma yry man.

Moro jako amy oty ewàmatopo
tywaije man Betania po.




Moro ekaramary
taro kytaitoryine,
irompo moro
epèpo aripapyry
taro mòkaron
otÿnon `wa!





Moro eratonomapotopompo kaparàmempo ewàmatopo kynituntanon. Moky imero suma moro Jerusalem `wa kynysaton.




Mòkaron Simonsu jopotorykon kyonumenkaton Jesus apyiry poko. Isème moro poto `su aitopo taka tyto man.






Moro poto `su aitopo tano Tamusi auty ro mòkaron Simonsu `waine amy poto `su oty moro man.



Moro eratonomapotopompo kaparàmempo ewàmary jako ro mòkaron Simonsu kaparàmakon wojaton.




Amy irakatonympo koròkaton ro moro Tamusi auty ta, tyjàwanykonympo wòkatòme, irùpa rapa Tamusi empata tywaitòkòme.







Irompo nokyan kaparàmempo koròkary ko iro ke ipororo suma ymponakatan ijàwanympo wyino?





Moro Tamusi auty pyrorory ta imero moky otykon ekaramanamon manton, pyrata ampònamon enapa.




Typo roten Jesus ero po enapa man...





Moro eratonomapotopompo
 kaparàmempo onory ewàmary
 uwaporò Jesus mòkaron suma
 `wa kynaurananon moro
 Tamusi auty ta, mòkaron
 Simonsu jopotorykon wykàpo
 rato. Irompo mòko Petrus
 Johannes maro mòko
 kaparàmempo òymòka
 kynysaton.



Koko Jesus mòkaron ainapatoro itùponaka oko
 tynemeparykon maro asèwa rapa tywòse man
 moro poto `su aitopo ta, mòko
 eratonomapotopompo kaparàmempo ono.








Yturùpo maro imero ero
eratonomapotopompo ewàmatopo
arepa enapyry `se wèi amaroine,
moro ywotàkarykary uwaporò.


Typrìtokamon mòkaron
typyitorykon epo manton. Ajekosaine
te amy me te rapa man.




Mòko apyitorykon me imero
man inoro mòko
ajopotorykon me kynaitan.



Arànaine wa amy
pyitonano wara.







Koko te Jesus mòkaron ainapatoro
ikùponaka òwin tynemeparykon maro
kynysan moro poto `su aitopo wyino.
Judas waty man imaroine.

Wìtake awyinoine. Papa
Tamusi te mòko kurano
Tàkary emòtan òwaine.
Mòko ajepanòtàton. Mòja
ro ajekosaine kynaitan.


Moro ywytotopo
oma mukùsatón.

Awu moro oma, moro iporono,
moro amano enapa awu wa.
Amy pairo yrato tytory upijan
mòko Papa `wa.

Ero po aitoko, àsi `ko
mony `wa `kopore wýsa
Tamusi `wa aurana.

Papa, amy oma àta
ero atàkarykano `wa
kyratonomapoko.

Ynisanory te
òkapypa
nainen.
Anisanory te
nòkànen!



Jesus arojaton mòko Tamusi pokonokon jopotory pòponaka. Mòko ro mòko poto `su Tamusi pokonokon jopotorykon jopotory me mòko man. Petrus, Johanes maro kyniwekenaton tyse terapa.



Petrus maname kynòmyjan
moro auto pyrorory `wa.



He, amoro enapa
kapyn imaro makon?





Amoro enapa te
amy inemepary
amoro mana!

Uwa pore!


Àa! Amoro enapa
imaro makon! Galilea
pono amoro mana!



Òto awykary
anukutypa mana, to!








Jesus arojaton mòko Rome wyinono poto `su jopoto pòponaka. Mòkaron Tamusi auran pokonokon jopotorykon `wa mòkaron moro po òpòtonon suma tapokuma manton. Ukutypa `ne roten kynementojaton.









Jesus pokaton. Pilatus amy oty meropojan moro wakapu poko oruwa auranano ta: "Jesus, mòko Simonsu jopotory".

Jesus moro tÿkakoren
oty `sèpa man.

Mòkaron warinu
pokonokon moro
iwòmymypo poko
kynèkujaton.



Aseke opanòko!
Irompo nàna
epanòko enapa!

Tamusi inentoko! Kÿko iporo
kapety kysapyija. Mòko te yjàwan
oty anikapÿpa tywaije man.

Ypoko onumenkako me
moro anuntymary taka
atuntàpo me ro!



Kurita `ne `ne
kynewàrumanjan, oruwa
juru iwairy taro.



Maria, mòko Jesus sano,
moro wakapu po man mòko
inemepary Johanes maro.



Papa, Papa, oty
poko ko kynoi?



Tuna `se
wa!




Papa, ajainaka
yjàkary syja.



Nòkapymai!



Jesus, oruwa po weju àta koine kyniromòsan. Warinu pokonokon isoropary pukaton. Tuna mynu maro iwyino kynòsan. Moro ro irompÿpo enepojan ìwaine.



Morokon kareta ta tymero man:
“Amy kaparàmempo wara tywonen
man pòponaka taro man.”



“Typuka man. Tampòpòse
enapa man, kyjàwanykon
upùpo me.” Ero me te
nirompyi.




Mòko òtoto man
kymponakanamon kàtu
mose nan? Uwa kàtu?



Òko! Aturupo
kàma unentòme.



Mòko Arimatea pono Josef mòko
Nikodemus maro mòko Jesus ekepÿpo
arojaton. Kynikyrykyrymaton.
Kyninopontojaton. Irompo unentopo topu
atory taka kynyjaton.




Moro eratonomapotopombo
kaparàmempo onotòman otarèmatopo
kurita pàpo me amykon katàmato
aitonon woryijan kynysaton moro
atunentopo `wa.





Òtonòme ko mòko nurono, mòkaron
irompýsan ràna mupijaton? Nawomyi
rapa. Ekarítoko mòkaron
inemeparykon `wa.





Moro etàpo me ro Petrus
Johanes maro kynekàtunjaton
moro unentopombo `wa.










Moro kurita jako noro oko katàmato
aitonon Jesus maro eisan kynauranaton
amy moro pato ýtoto suma maro. Moro
Jesus wòpo poko kynauranaton.

Mòkaron Tamusi auran ukùponamon anamyikàpa manton?
Moro wara kapyn mòko suma ympokanen wotàkarykary
tywaije nan moro tykuranory taka tytory uwaporo? Moro
pàporo kareta ta tymero man!



40 kurita jako Jesus
kynosenepojan
tywekenanamon `wa. Amy
jako pairo 500 suma `wa
kynosenepojan. Amy kurita
ta amykon inemeparykon
woto poko manton.






Mòkaron inemeparykon tywepekiykon poko manton Jerusalem po. Irompo mòko Tamusi Àkary kynysan itakaine. Mòko Tamusi Àkary Jesus ta tywaije man inoro ero me mòkaron inemeparykon yjan aserynon me. Kyniporìtomaton ro moro Jesus ekary ekaritòme ìwaine.

Moro romòno `wa Jesus apiry tupi man. Tamusi `wa nuro rapa tyje man. Jesus koromono me moro Tamusi kuranory taka taro man!



Pàporo wararo mòkaron inemeparykon tyto manton, pyime tìtùkanamon wairy sème.

Jesus, mòko Tamusi ymuru mòko man!



Tymero enapa moro auranano tywaije man, aripàtòme.

Kyjàwanykonympo taro Íwa man moro tyrompyry jako moro typokatopompo wakapu poko. Iro ke ro tyromòse kytaton moro yjawan me aino wyino. Kamanjaton te Tamusi `wanokon me.




Nono wararo ero me noro mòkaron Jesus wekenanamon kynotànanàsaton. Kynepekiyat. Moro Tamusi karetary erupaton. Perere òsakapòsat. Sapera yjaton asèwa winu enytòme. Moro wara Jesus rompypò poko kynonumenkaton. Moro Tamusi pyny aripàsat wararo.

Jesus `wa ro moro Tamusi
wonumenkary mòkaron suma
poko irùpa tyje man.



Jesus nyry aipynano poko
kòi pore kykarykon man.
Ety awonkako!

Poto me imero Tamusi ero nono
pynanon, mòko òwin`kono
Tymuru ytòme tìwa. Pàporo
mòko amyikanen utapìpa
kynaitan, ìmatìpa roten te
kynemantan!



WILLEM DE VINK

MORO BIJBEL

Moro Jesus emamyry ekary moro Bijbel ta tymero man. Amy kareta waty man moro kòpo takare. Moro òwino kareta ta ro pyimano kareta man. Morokon kareta ro tymero man 1500 siriko jako. 1900 siriko uwaporò tymeròma tywaije man. Ita ro ukutùpa `ne roten auranano man. Morokon ro one wara suma poko Tamusi wairy ekarìsan. Moro Jesus weìpo ekary irùpyn me noky me Tamusi wairy enepojan.

MORO JESUS WEÌPO EKARY


Moro Bijbel ta okupàen kareta moro one wara Jesus weìpo ekarìsatón.

Imeronamonympo etykon ta tajato mantón.
Mòkaron imeronamonympo ro Jesus jako tamanje mantón pàporo.

1. Mateus Jesus wekenanen me tywaije man. Mòkaron Rome wyinonokon `wano me pyrata tamòise ìwa man. Irùpyn me tymero ìwa man one wara Simonsu pokoine Jesus weìpo.

2. Markus myrèkòko me noro tywaije man Jesus `wa tamamin kapyry jako. One wara Jesus `wa kapu wyinonokon otykon enepòpo takarise ìwa man irùpyn me.

3. Lukas amy suma epinònен me tywaije man. Jesus anukutùpa `ne tywaije man. Moro one wara suma poko Jesus weìpo ekarìsan.




4. Johanes òwin amy Jesus wekenanen me tywaije man. Noky Jesus weìpo tanepo irùpyn me ìwa man. Jesus Tamusi me man. Suma me tywaije man mòkaron suma epanòtòme ijàwanykonympo wyino.

JESUS WOMÀPO

Jesus sano me Maria tywaije man. Jesus womary jako Maria inòma nasen tywaije man. Wokyry anukutùpa nasen tywaije man. Tamusi `wa te Jesus tamapo man Maria `wa. Morokon penatonon kareta ta moro kapu wyinono òkapypo tymero terapa tywaije man. Amy me terapa kapyn Jesus tywaije man iwomàpo wyino. Amy tonomy ytopo auto ta tywoma man, aitopòma isano wairy ke.

MOROKON JESUS NENEPÒSAN KAPU WYINONOKON OTYKON

Jesus `wa pyime kapu wyinonokon otykon tanepo man. Eneko tyre, Bijbel ta 40 iwairy taro opinòno tymero man. Morokon kapu wyinonokon otykon ke parìpe Tamusi wairy tanepo Jesus `wa man. Suma epanopyry `san me ro, tywaipore rykon `san me enapa mòko Jesus tywonepo man.



JESUS ROMBÝPO, AWOMÝPO ENAPA



Òtonome mòko Jesus rompýpo ekarìsan moro Bijbel.

Amympo jako pàporo suma yjàwan oty kàsan. Morokon otykon `sèpa ro Tamusi man. Morokon otykon katàmato kynyjan. Kynerèkojan. Mòkaron suma yjàwany ro Tamusi àkotojan imaroine irùpa iwairy wyino. Iro ke ro Jesus tywòse man. Aseke ro mòkaron suma yjàwany epety tapyije ìwa man tytùponaka.

Moro epety ro romòno tywaije man. Moro Jesus rompyry ro irùpa rapa kyjaton Tamusi maro. Morokon yjàwan me kynikapýsan jètumary te kywaine man.

Tawonje enapa Jesus man romòno wyino. Tamusi `wa ro nuro rapa tyje man. Moro wara ro parìpe tywairy tanepo Tamusi `wa man romòno kòpo.

Erome te Jesus Tamusi ekosa kynemanjan. Nuro iwairy ke ro kypnarykon pokoroten man. Kapanopyrykon `se man, Tamusi nisanory wara kamantòkòme.

EPEKIMANO

Tamusi maro irùpa awairy `se man? Pàporo yjàwan me aweipo mijètumanon?

Epekimako iro ke ero wara pai:

“Ynipynary Tamusi, ypynary sukùsa òwa.

Aseke omuru tyje òwa man.

Wakapu pokotyopka tyromòse man morokon yjàwan me yweipo pokoroton.

Moro yjàwan me yweipo ikako rapa aturùpo wyino. Sijètumaje.

Jesus `wa yjepanopýpo pokotawàpore wa.

Òwano me yjemamyry `se wa.

Anisanory wara ro yjemantòme kapanòko.

Mòja ro tyse waty aiko ywyino.

Ywepekimatopo ejukuru pokotawàpore wa.

Awykatopompo ro mikàsa!”

AMORO JESUS MARO

Ìmatìpa roten moro Jesus ekary man. Pyime suma `waine Jesus irùpa man, penaro eisan `wa, eromenokon `wa enapa. Ero nono tywèpetakàma man. Ytopotìpa noro kytaton parito tupo, kaware tupo pai. Kytopòsaton te tarara ta. Karirunjaton pai kawono tarara ta. Moro `wa te Jesus òpotìpa man. Israel po tytopotìpo wara erome enapa tyse waty tywairy taro man.

Onèpa man. Tyse waty te man. Erome noro irùpa suma `waine tywairy `se man. Epanamako ìwa. Ipynako enapa.

Aseme noro irùpa Jesus ukutyry `se man? Imaro ajemamyry `se man? Ero iro ke ikàko:

1. Aseke ro moro Bijbel erupako.
(Eneko tyre, moro Lukas nimeròpo pokò atàmoko.)

2. Epekimako.
(Tamusi maro orupako. Epanamako enapa ìwa.)

3. Suma maro orupako Jesus pokò, moro Bijbel pokò enapa. Jesus mòkaron tywekenanamon wotànanopyry `se man. Asèwa iwopanopyrykon `se man. Asèwa typoko iwomeparykon `se man.

Koromono kareta: 'Jezus Messias'. Ero kareta merononymo: Willem de Vink.

Copyright © 1993 Stichting Wereldtaal, Rotterdam, Nederland.

Karìna auran taka yrìpo kareta © 2013, 2025.

Ero kareta Karìna porìtomanon moro Bijbel erupatòme, moro Karìna auran erupatòme enapa.

Digital copyright unter the terms of the Creative Commons BY-SA license.

All rights of translation, reproduction ant adaptation reserved for all countries.

e-mail : jmpbk.app@gmail.com

<https://www.jesussmessiahcomicmedia.com/suriname>

Jesus Mesias amy typono auranano moro man. Ìmatypyn me moro auranano man. Romòno kòpo Jesus tywaije man. Nuro man. Iro ke ro ìmatýpa roten mòkaron ukùnamon oty ukùpojaton ipoko. Kynauranaton ipoko. Kareta merojaton ipoko. Moro emamyry ùkujaton. Ero kareta ta ro rypo moro Jesus emamyry tìku man.



Language: Carib (Suriname)

ISBN 978-90-73150-23-2